

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za obrazovanje,  
nauku i mlade



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство за образовање,  
науку и младе

1418  
1145

Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry for Education, Science and Youth

Broj: 11/02-05-15502-65/19  
Sarajevo, 15.05.2019. godine

**SKUPŠTINA KANTONA SARAJEVO**  
n/r Elmedin Konaković, predsjedavajući Skupštine Kantona Sarajevo  
-ovdje-

**PREDMET: *Odgovor na zastupničku inicijativu- dostavlja se***

Poštovani,

**Zastupnik** u Skupštini Kantona Sarajevo **Vedran Jakupović** na sedmoj radnoj sjednici Skupštine Kantona Sarajevo održanoj dana 17.04.2019. godine u okviru tačke dnevnog reda „Poslanička pitanja, inicijative i odgovori“, podnio je zastupničku inicijativu:

**„za uvođenje posebnih programa prevencije i suzbijanja vršnjačkog nasilja u osnovnim i srednjim školama u KS“.**

#### **Odgovor**

U vezi s Vašom inicijativom „za uvođenje posebnih programa prevencije i suzbijanja vršnjačkog nasilja u osnovnim i srednjim školama u Kantonu Sarajevo“ prvenstveno imamo potrebu informisati Vas je po ovom izuzetno osjetljivom društvenom pitanju Kanton Sarajevo donio i implementira „Akcioni plan za prevenciju maloljetničkog prijestupništva i rad sa maloljetnicima u kontaktu sa pravosudnim sistemom u Kantonu Sarajevo 2017. - 2019. godine.

Napominjemo da je Ministarstvo za rad, socijalnu politiku, raseljena lica i izbjeglice Kantona Sarajevo nositelj aktivnosti izrade Akcionog plana za prevenciju maloljetničkog prijestupništva i rad sa maloljetnicima u kontaktu sa pravosudnim sistemom u Kantonu Sarajevo (2017-2019). U Tim za izradu navedenog plana imenovan je i predstavnik Ministarstva za obrazovanje, nauku i mlade.

Strateški cilj 1 Akcionog plana je usmjeren na sistem preventivnih mjera usmjerenih na jačanje uslova za pravilan psihofizički razvoj djece i podrške društveno prihvatljivih oblika



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1



ponašanja, a strateški program 1.3. se odnosi na sekundarne mjere mjere s ciljem da se unaprijede programi preventivnog postupanja prema djeci u riziku od društveno neprihvatljivog ponašanja.

Imajući u vidu činjenicu da se navedeni akcioni plan odnosi na period 2017- 2019. godina predstavnik Ministarstva za obrazovanje, nauku i mlade u Timu za izradu Akcionog plan za prevenciju maloljetničkog prijestupništva i rad sa maloljetnicima u kontaktu sa pravosudnim sistemom u Kantonu Sarajevo će prezentirati Vašu inicijativu kako bi se osigurale pretpostavke za realizaciju inicijative kroz sistemski pristup u izradi novog akcionog plana.

S poštovanjem,



MINISTRICA

Mr. Zineta Bogunić

**Dostaviti:**

1. Naslovu;
2. a/a.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1



## Prilog

Ministarstvo za obrazovanje, nauku i mlade Kantona Sarajevo u cilju prevencije nasilja i neprihvatljivih ponašanja učenika, realizuje aktivnosti predviđene Akcionim planom za prevenciju maloljetničkog prijestupništva i rad sa maloljetnicima u kontaktu sa pravosudnim sistemom u Kantonu Sarajevo 2017-2019. godine.

Aktivnost 1.3.1. pomenutog dokumenta, a koja se odnosi na Program rane identifikacije djece u riziku od prijestupničkog ponašanja kroz pilotiranje „Programa prepoznavanja i zaštite djece od faktora rizika“ u osnovnim i srednjim školama realizirana je u periodu 01.02. 2018. godine do 01.06.2018. godine u svim osnovnim i srednjim školama Kantona Sarajevo. Nakon pilotiranja Programa izvršena je evaluacija istog. Napominjemo da se Program realizuje uz podršku CPRC (Centar za istraživanje politike suprostavljanja kriminalitetu) i UNICEF-a Bosne i Hercegovine.

S tim u vezi, pripremljena su dva pravilnika: Pravilnik o vođenju evidencije o neprihvatljivim oblicima ponašanja učenika i Pravilnik o načinu i obliku provođenja odgojno-obrazovne podrške i stručnog tretmana. ***Očekujemo da će Program prepoznavanja i zaštite djece od faktora rizika biti dio odgojno-obrazovnog sistema Kantona Sarajevo, od naredne školske godine.***

Osim navedenog Programa, koji za cilj ima sistemski i multisektorski pristup ranog prepoznavanja i reagovanja u slučaju pojave riziko faktora kod učenika, odgojno-obrazovne ustanove kroz različite aktivnosti realiziraju sadržaje koje su u funkciji prevencije neprihvatljivih oblika ponašanja. Također, aktivnosti prevencije nasilja se planiraju Godišnjim programom rada svake škole.

Shodno aktivnostima iz Akcionog plana Ministarstvo je podržalo i aktivnosti:

### **Udruženje za psihosocijalnu promociju i pozitivnu afirmaciju humanih vrijednosti Momentum“**

Udruženje „Momentum“ je na području Kantona Sarajevo je realiziralo sljedeće projekte :

Naziv projekta: „Prepoznaj, reaguj i spriječi-prevencija vršnjačkog nasilja u osnovnim školama na području Općine Novo Sarajevo“

### **Udruženje Centar za razvoj omladinskog aktivizma**

Projekat „Vršnjačko nasilje – NEMA ŠANSE“ je usmjeren na povećanje stepena sigurnost djece u odgojno-obrazovnim institucijama predškolskog, osnovnog i srednjeg obrazovanja koje egzistiraju na području KS i to kroz edukacije, podizanje svijesti i proces afirmacije i ohrabriranja **djece, nastavnika i roditelja** da prepoznaju vršnjačko nasilje, oslobode dijete osjećaja straha od moguće odmazde nasilnika ako nasilje prijave.

### **TPO Fondacija (Transkulturalna psihosocijalna obrazovna fondacija)**

Deset škola iz Kantona Sarajevo: OŠ „Edhem Mulabdić“, OŠ „Nafija Sarajlić“, OŠ „Aleksa Šantić“, OŠ „Malta“, OŠ „Zahid Baručija“, OŠ „Srednje“, OŠ „Zaim Kolar“, OŠ „9.maj“, OŠ „Deveta osnovna škola“, OŠ „Džemaludin Čaušević“- uključeno je u trogodišnji Program „Vršnjačko i rodno zasnovano nasilje“.

**Visoko sudsko i tužilačko vijeće BiH (VSTV), Ministarstvo za obrazovanje, nauku i mlade KS, Ministarstvo unutrašnjih poslova KS** realiziraju Projekat pod nazivom „Lopov uvijek bude otkriven“ u svim osnovnim školama u KS, u prethodnoj i tekućoj školskoj godini Projektom su obuhvaćeni svi učenici šestih razreda. U sklopu Projekta demonstrira se rad službenog policijskog psa, sa odgojnom porukom da se ništa ne može sakriti i da se neprihvatljivo ponašanje kao što je krađa ili skrivanje droge može lako otkriti.